

2015 թվականի հունվարի 21-ին ժամը 14⁰⁰–ին կայացավ ՀՀ Արմավիրի մարզի Ծաղկալանջ համայնքի անդամների ընդհանուր ժողով

Ժողովին նասնակցում էին ՀՀ Արմավիրի մարզպետարանի աշխատակազմի քաղաքաշինության վարչության պետի տեղակալ Յ.Կուրղինյանը: Համայնքի անդամներից ներկա էին 62 բնակիչներ, դպրոցի տնօրենը, մանկավարժներ, գյուղապետարանի աշխատակիցներ և ավագանու անդամների 7-ից 5-ը:

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ Արմավիրի մարզի Ծաղկալանջ համայնքի ղեկավարի և ավագանու կողմից 2014 թվականի ընթացքում կատարած աշխատանքների մասին Ձեկ. Համայնքի ղեկավար՝ Մ.Մկրտչյան

Հարգելի Ծաղկալանջ համայնքի բնակիչներ, հյուրեր. Ձեզ են ներկայացնում 2014 թվականի ընթացքում գյուղապետարանի և ավագանու կողմից կատարած աշխատանքների տարեկան հաշվետվությունը:

2014 թվականի ընթացքում գյուղապետարանը և ավագանին իր գործունեությունը իրականացրել է 2014 թվականին կազմած աշխատանքային ծրագրին համապատասխան՝ ըստ բնագավառների: Բարելավել ենք հանդամիջյան ճանապարհները, ամիսը 4 անգամ կատարվել է աղբաթափություն, որի համար հատկացվել է 996.000 դրամ գումար:

Ջրամատակարարման նպատակով կատարվել է ջրաչափերի տեղադրման աշխատանքներ՝ շուրջ 80 հատ:

Կազմակերպվել և հաշվետվություններ են ներկայացվել վիճակագրական ծառայությանը անասնազխաքանակի, բնակչության սեռատարիքային շարժի, բերքահավաքի և գարնանացանի տվյալների մասին: Եկամուտների, ծախսերի և աշխատավարձի մասին հաշվետվություններ են ներկայացվել Արմավիրի մարզպետարան, անսական հաշվետվություններ են ներկայացվել հարկային

տեսչություն: Կադաստրի տարածքային ստորաբաժանում է ներկայացվել շենքերի և շինությունների կառուցման և քանդման շարժի մասին:

Կազմակերպվել են միջոցառումներ նվիրված դպրոցի շրջանավարտների վերջին զանգին, գիտելիքի օրվան նվիրված , մասնակցել ենք մարզում կազմակերպված բերքի տոնին , կազմակերպել ենք նաև միջոցառում տարեմուտին նվիրված Ձմեռ պապի և Ձյունանուշի մասնակցությամբ ,որոնք շուրջ 75 երեխայի բաժանել են ամանօրյա նվերների տոպրակներ :Ընդհանուր միջոցառումների և նվերների համար համայնքի բյուջեից հատկացվել է 1500.000 դրամ :

2014 թվականի ընթացքում ստացվել և պատասխանվել է 93 գրության: Կայացել է ավագանու 8 նիստ և քննարկվել է 46 հարց, ընդունվել է համապատասխան որոշումներ:

Համայնքն ունի 28 նպաստառու ընտանիքներ: Սոցիալապես անապահով ընտանիքներին իրենց դիմումների և ավագանու որոշմամբ տրվել է դրամական օգնություններ` 2.150.000 դրամ:

2014 թվականի ընթացքում համայնքում ծնվել է 26 երեխա, արձանագրվել է 18 մահ, անուսնացողների թիվը հասնում է 10 -ի:

Ընդունվել է գյուղապետի 40 որոշում, ընդունվել է 96 դիմում, որոնք բոլորն էլ ստացել են համապատասխան լուծումներ: Համայնքի բնակչությանը տրվել է համապատասխան ոլորտի 410 տեղեկանքներ:

Մշակույթի տանը 2014 թվականից գործում է պարի և « մարտեր առանց կանոնի» խմբակները :

2014 թվականի ընթացքում բնակիչներից գանձվել է 3.938.250 դրամ հողի հարկ, որը կազմում է տարեկան պլանայինի 83.06%-ը, 1.921.900 դրամ գույքահարկ, որը կազմում է պլանայինի 78.94 %-ը, և վարձակալական հողի վարձավճար 690.000 դրամ` պլանայինի 100 %-ը:

Գյուղապետարանը աշխատավարձի պարտք չունի:

Գյուղում կան մի շարք հիմնախնդիրներ, որոնց վերաբերյալ կցանկանայի տեղեկացնել Ձեզ և մարզպետարանի ներկայացուցչին, քանզի նշված խնդիրները գյուղապետարանի միջոցներով հնարավոր չէ իրականացնել.

1. Մշակույթի տունը վերակառուցման և վերանորոգման անհրաժեշտություն ունի, բնակչությունը մշակութային միջոցառումներ չեն կարող կատարել, անգամ իր ազատ ժամանակը սովորական խաղերով անցկացնելու վայր չունի :
2. Չի գործում մանկապարտեզը՝ համապատասխան շենքային պայմանների բացակայության պատճառով, նախկին շենքը կարիք ունի վերանորոգման:
3. Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է գերծախսի ջրօգտագործողների արդարացի դժգոհությանը:
4. Խմելու ջրի ներքին ցանցը նույնպես անմխիթար վիճակում է ,որը վերանորոգման կարիք ունի:

Սույն թվականի մարտի 9-ին տեղի է ունեցել համայնքի ավագանու ընտրություն :

Գյուղում կատարվող բոլոր երևույթները գյուղապետարանի ուշադրության կենտրոնից դուրս չեն մնում, կա սերտ կապվածություն գյուղացու և գյուղապետարանի միջև: Սիրելի համագյուղացիներ Ձեր բոլոր գրավոր և բանավոր դիմումները , խնդրանքները քննարկվում են և հնարավորության սահմաններում տրվում են համապատասխան լուծումներ:

ՀԱՄԱՅՆՔԻ ՂԵԿԱՎԱՐ՝



Մ. ՄԿՐՏՉՅԱՆ